



კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

1927 წლის ოქტომბრის 15.	№ 18 განყოფილება პირველი	ა/კ. ც. ა. კომიტ. საკანონ- მდებლო კომისიასთან არ- სებული კანონთა გამოქვე- ყნების განყოფილების მიერ გამოცემული.
----------------------------	-----------------------------	--

შ ი ნ ა ა რ ს ი:

- უზ. 208. ა/კ. რკ. გზებზე შუშის დასატვირთავად ვაგონების მიყენებისათვის ადგილობრივი ტა-
რიფის შესახებ.
- „ 209. ამიერკავკასიის წყალთა მეურნეობის სამმართველოსთან არსებული წყალთა-ტექნიკური
საბჭოს დებულება.
- „ 210. რესპუბლიკანურ წყალთა მეურნეობის სამმართველოებთან არსებულ წყალთა-ტექნი-
კურ თათბირთა დებულება.
- „ 211. სატელეგრაფო და სატელეფონო ბოძების ფასის შემცირების შესახებ.
- „ 212. სოფლად წერილების დამტარებელთა და ფოსტის აგენტთა შრომის პირობების დე-
ბულების დამტკიცების შესახებ.
- „ 213. სამსახურის ერთი ადგილიდან მეორე ადგილას გადაყვანის გამო საცხოვრებელი ად-
გილის გამოცვლით გამოწვეული ხარჯის ანაზღაურების შესახებ.



საქართველოს სახკომსაბჭოს საქმეთა მმართველობის სტამბა.
მთავლიტი № 83. დაიბეჭდა 800.

დადგენილება ა.კ. რ. გ. გამგეობასთან არსებული საუწყებათაშორისო სატარიფო მართვის

1927 წლის სექტემბრის 27. № 17/P.

208. შეშის დასატვირთავად ა/კ. რ. გ. კახეთის ხაზის საგარე-
ჯოს სადგურიდან მანავის ჩიხში ვაგონების მიყენებისათვის
აღდგინებული ტარიფის დაწესების შესახებ.

შეშის (31 ჯგ.) დასატვირთავად ა/კ. რ. გ. კახეთის ხაზის საგარეჯოს და
ბადიურის სადგურებ შორის მდებარე მანავის ჩიხში ვაგონების მიყენებისათვის
ამა დადგენილებით დაწესდება აღდგინებული ტარიფი, საერთო სარგებლობის
მისაღვალ გზებზე ვაგონების მიყენების ტარიფისათვის შეფარდებით (ტარიფთა
კრებ. 404 №-რი, 8447 №-რის ტარიფი), შემდეგი რაოდენობისა:

1. ერთდროულად, ერთი ორთქლმავალით არა ნაკლებ ათი ვაგონის მიყე-
ნებისათვის—32 კაპ. თითო ვაგონ-კილომეტრზე, ხოლო სულ 10 ვაგონზე მთელი
მისაყენებელი მანძილისათვის (10 კილ.)—32 მან. (ორივე მიმართულებით).

2. ერთდროულად, ერთი ორთქლმავალით არა ნაკლებ 5 ვაგონის მიყენე-
ბისათვის—53 კაპ. თითო ვაგონ-კილომეტრზე, ხოლო სულ 5 ვაგონზე მთელი
მისაყენებელი მანძილისათვის (10 კილ.)—26 მან. და 50 კაპ. (ორივე მიმართუ-
ლებით).

3. გამოსაღები გადასაზიდვად განცხადებული შეშის რაოდენობის შემოწ-
მებისათვის, ტარიფთა კრებულის 1-ლი ნაწილის 44 პარაგ. (XXXIV) თანახ-
მად, გადახდევინებულ უნდა იქნეს 3 (სამი) მან. რაოდენობით თვითელი ფაქ-
ტიური შემოწმებისათვის.

4. ყველა დანარჩენი გამოსაღები გადახდევინებულ იქნება საერთო წესით,
უცვლელად.

ტარიფი ესე შეფარდებულ იქნება მხოლოდ იმ ვაგონების მიყენებისათვის,
რომლებზედაც უნდა დაიტვირთოს ქალაქ ლენინაკანის აღმასრულებელი კომიტე-
ტის საექსპრო-სამრეწველო ორგანოს შეშა, რაც დანიშნულ იქნება ქალაქ ლენინა-
კანის აღდგენის საჭიროებისათვის, და ამის გამო საჭიროა საგარეჯოს სადგურის
უფროს წარედგინოს სათანადო მოწმობა შეშის დანიშნულების შესახებ.

ტარიფი ესე დაწესებულია ექვსი თვის ვადით და სამოქმედოდ შემოიღება
7 დღის გასვლისას ამა დადგენილების გამოქვეყნების დღიდან.

ა/კ. რ. გ. გამგ. არსებ. საუწყებათაშორისო სატა-
რიფო მართვის თავმჯდომარის მოადგილე **ტარმიქაელიანი.**

საუწყებათაშორისო სატარიფო საქმეთა მმართველის
თანამდებობის აღმ., უფროსი ეკონომისტი **ვერდერევაკი.**

1927 წ. სექტემბრის 30.

გამოქვეყნებულია „ზარია ვოსტოკა“-ს 1590 №-ში 1927 წ. ოქტომბრის 1-ს.

დადგენილება № 49 აკსფსრ სახალხო კომისართა საბჭოსი

209. ამიერკავკასიის წყალთა მეურნეობის სამმართველოსთან არსებული წყალთა-ტექნიკური საბჭოს დებულების დამტკიცების შესახებ.

ა/კსფსრ სახალხო კომისართა საბჭო ადგენს:

დამტკიცებულ და სამოქმედოდ შემოღებულ იქნეს შემდეგი დებულება.

ა/კსფსრ სახალხო კომისართა საბჭოს

თავმჯდომარის მოადგილე დ. ჰუსეინოვი.

ა/კსფსრ სახალხო კომისართა საბჭოს

საქმეთა მმართველი ნ. სოკოლოვსკი.

1927 წ. სექტემბრის 22. ტფილისი-სასახლე.

დაგულება ამიერკავკასიის წყალთა მეურნეობის სამმართველოსთან არსებული წყალთა-ტექნიკური საბჭოს შესახებ

1. წყალთა-ტექნიკური საბჭო ტექნიკური ორგანოა ამიერკავკასიის წყალთა მეურნეობის სამმართველოსთან. მის მიზანს შეადგენს გაეცნოს და განიხილოს ა/კსფსრ წყალთა მეურნეობის სამუშაოთა ტექნიკური პროექტები და ხარჯთაღრიცხვები და უაღრესი მნიშვნელობის ტექნიკური საკითხები.

2. წყალთა-ტექნიკური საბჭოს შეადგენენ თავმჯდომარე და 14 წევრი. საბჭოს თავმჯდომარესა და 8 წევრს დანიშნავს ა/კსფსრ სახალხო კომისართა საბჭო, ა/კ. წყალთა მეურნეობის სამმართველოს წარდგენით, იმ სპეციალისტებისაგან, რომელთაც ამ სამმართველოში სხვა რამ თანამდებობა არ უჭირავთ. დანარჩენი 6 წევრი საბჭოში ირიცხება თანამდებობის მიხედვით, სახელდობრ: ა/კ. წყალთა მეურნეობის სატექნიკო-საწარმოო განყოფილებისა და სამეცნიერო-საკველეო განყოფილების უფროსნი, ა/კ. წყალთა მეურნეობის სამმართველოს საინსპექტორო-საკონტროლო განყოფილების გამგე და რესპუბლიკანური წყალთა მეურნეობის სამმართველოების სატექნიკო-საწარმოო განყოფილებათა 3 უფროსი.

3. წყალთა-ტექნიკური საბჭოს თავმჯდომარეს დასახელებს ა/კ. წყალთა მეურნეობის სამმართველო და დამტკიცებს ა/კსფსრ სახალხო კომისართა საბჭო; თავმჯდომარის მოადგილეს და მდივანს დანიშნავს ა/კ. წყალთა მეურნეობის სამმართველოს უფროსი საბჭოს წევრთაგან.

4. წყალთა-ტეხნიკური საბჭოს სხდომაში, პრეზიდიუმის მიწვევით, შეუძლიანთ მონაწილეობა მიიღონ, სათათბირო ხმის უფლებით, სპეციალისტებმა და დაინტერესებულ დაწესებულებათა წარმომადგენლებმა, აგრეთვე ცალკე სპეციალური საკითხებისათვის პერსონალურად მიწვეულმა პირებმა.

5. თავმჯდომარე, მისი მოადგილე და მდივანი შეადგენენ საბჭოს პრეზიდიუმს.

6. წყალთა-ტეხნიკური საბჭოს გამგებლობის საგანს შეადგენს:

ა) წყალთა მეურნეობის ისეთ სამუშაოთა პროექტებისა და ხარჯთაღრიცხვების განხილვა, რაც 100.000 მან. აღემატება; აგრეთვე იმ პროექტებისა და ხარჯთაღრიცხვების განხილვა, რასაც მას გადასცემენ რესპუბლიკანური წყალთა მეურნეობის სამმართველოები; სხვა დაწესებულებათა ჰიდრო-ტეხნიკური მშენებლობის ტეხნიკური პროექტების განხილვა;

შენიშვნა. ზემოაღნიშნულ თანხაზე მცირე ღირებულების სამუშაოს წარმოება შეიძლება რესპუბლიკანური წყალთა-ტეხნიკური თათბირების მიერ დამტკიცებული პროექტებით.

ბ) იმ კანონპროექტებისა და ინსტრუქციების განხილვა, რითაც წყალთა მეურნეობა მოწესრიგდება;

გ) წყალთა მეურნეობის მშენებლობისა, გაუმჯობესებისა და გაფართოების ტეხნიკური საკითხების განხილვა;

დ) წყალთა მეურნეობის მდგომარეობის აღნუსხვისათვის გასაცემ დირექტივების განხილვა;

ე) ტეხნიკური პროექტებისა და ხარჯთაღრიცხვების შედგენის წესებისა და აგრეთვე სამუშაოთა შესახებ წარდგენილი ტეხნიკური ანგარიშების განხილვა, ეკონომიური ეფექტების აღნუსხვით;

ვ) ა/კ. წყალთა მეურნეობის სამმართველოს სატეხნიკო-საწარმოო განყოფილების მიერ შემუშავებული რესპუბლიკანური წყალთა მეურნეობის სამმართველოებისათვის გამოკვლევისა, პროექტების შედგენისა და ჰიდრომეტრულ, ჰიდრომოდულურ და სხვ. დამხმარე სამუშაოთა სფეროში მისაცემი დირექტივების განხილვა;

ზ) წყალთა მეურნეობის სფეროში სამეცნიერო-საკვლეფო სამუშაოთა პროგრამების განხილვა, კერძოდ, წყალთა რესურსების აღნუსხვისა და იმ მიწების სივრცის გამორკვევის სფეროში, რასაც წყლის მელიორაცია ესაჭიროება;

თ) სამუშაოთა ნორმალიზაციისა და სტანდარტიზაციის საკითხებისა და იმ ტეხნიკურ ღონისძიებათა პროექტების განხილვა, რასაც მიზნად აქვს წყალთა მეურნეობის ნაგებობათა მუშაობის ნაყოფიერებისა და მომჭირნეობის გადიდება—ამ მუშაობის რაციონალიზაციისა და მექანიზაციის მეშვეობით და სხვ.

7. საქმეს საბჭოში განსახილველად შეიტანს ა/კ. წყალთა მეურნეობის სამმართველოს უფროსი პრეზიდიუმის მეშვეობით, რომელიც დანიშნავს მომხსენებელს წყალთა-ტეხნიკური საბჭოს წევრთაგან.

8. წყალთა-ტეხნიკური საბჭოს სხდომა კანონიერია, უკეთუ მას დაესწრო ტფილისში მყოფ წევრთა ნახევარი რიცხვი.

9. საკითხი გადასწყდება სხდომაზე დამსწრე წევრთა ხმის მარტივი უმეტესობით.

10. წყალთა-ტექნიკური საბჭოს გადაწყვეტილებანი დასამტკიცებლად ა/კ. წყალთა მეურნეობის სამმართველოს უფროსს წარედგინება.

შენიშვნა. უკეთუ ა/კ. წყალთა მეურნეობის სამმართველოს უფროსი თანახმა არ არის წყალთა-ტექნიკური საბჭოს გადაწყვეტილებისა ამა თუ იმ პროექტის გამო, მას შეუძლიან ეს პროექტი გადასცეს წყალთა-ტექნიკურ საბჭოს ხელახალი განხილვისათვის.

11. ზედამხედველობა წყალთა-ტექნიკური საბჭოს დადგენილებათა აღსრულებისათვის შეადგენს მისი პრეზიდიუმის მოვალეობას.

12. წყალთა-ტექნიკური საბჭოს საქმისწარმოება, მდივნის ხელმძღვანელობით, დაეკისრება ა/კ. წყალთა მეურნეობის სამმართველოს აპარატს.

13. წყალთა-ტექნიკური საბჭოს სხდომებში მონაწილეობისათვის მისი წევრნი და განსაკუთრებულად მიწვეული პირნი მიიღებენ საკეტონო გასამრჯელოს.

მოხსენების მომზადებისათვის და ცალკე საკითხების შემუშავებისათვის წყალთა-ტექნიკური საბჭოს წევრნი და მიწვეული პირნი მიიღებენ განსაკუთრებულ გასამრჯელოს. საკეტონო გასამრჯელო განისაზღვრება იმ რაოდენობით, რაც ხარჯთაღრიცხვით არის გათვალისწინებული. მოხსენებების შედგენისათვის გასამრჯელოს განსაზღვრავს წყალთა-ტექნიკური საბჭოს თავმჯდომარე, ა/კ. წყალთა მეურნეობის სამმართველოს უფროსთან შეთანხმებით.

გამოქვეყნებულია „ზარია ვოსტოკა“-ს 1592 №-ში 1927 წ. ოქტომბრის 4-ს.

დადგენილება № 50 აკსფსრ სახალხო კომისართა საბჭოსი

210. რესპუბლიკანურ წყალთა მეურნეობის სამმართველოებთან არსებულ წყალთა-ტექნიკურ თათბირთა დებულების დამტკიცების შესახებ.

აკსფსრ სახალხო კომისართა საბჭო ადგენს:
 დამტკიცებულ და სამოქმედოდ შემოღებულ იქნეს შემდეგი დებულება.

აკსფსრ სახალხო კომისართა საბჭოს
 თავმჯდომარის მოადგილე დ. ჭუსეინოვი.

აკსფსრ სახალხო კომისართა საბჭოს
 საქმეთა მმართველი ნ. სოკოლოვსკი.

1927 წ. სექტემბრის 22. ტფილისი-სასახლე.

დაგულება რესპუბლიკანურ წყალთა მეურნეობის სამმართველოსთან არსებულ წყალთა-ტექნიკურ თათბირების შესახებ

1. წყალთა-ტექნიკური თათბირი ტექნიკური ორგანოა რესპუბლიკანურ წყალთა მეურნეობის სამმართველოსი. მის მიზანს შეადგენს გაეცნოს და განიხილოს წყალთა მეურნეობის სამუშაოთა ტექნიკური პროექტები და ხარჯთაღრიცხვები და უაღრესი მნიშვნელობის ტექნიკური საკითხები, რაც-კი რესპუბლიკანური წყალთა მეურნეობის სამმართველოს კომპეტენციაში შედის.

2. წყალთა-ტექნიკური თათბირის წევრებს, რესპუბლიკანური წყალთა მეურნეობის სამმართველოს წარდგენით, დანიშნავს ა/კსუსრ შედგენილობაში შემავალი სათანადო რესპუბლიკის სახალხო კომისართა საბჭო 6-სი კაცის შედგენილობით. შევიდენ წევრად, თანამდებობის მიხედვით, არის რესპუბლიკანური წყალთა მეურნეობის სამმართველოს სატექნიკო-საწარმოო განყოფილების გამგე.

3. წყალთა-ტექნიკური თათბირის გამგებლობის საგანს შეადგენს:

ა) განიხილოს წყალთა მეურნეობის სამუშაოთა პროექტები და ხარჯთაღრიცხვები, რასაც შეიმუშავებს რესპუბლიკანური წყალთა მეურნეობის სამმართველო ან სხვა დაწესებულება და პირი, რომელიც ამ პროექტებს რესპუბლიკანურ წყალთა მეურნეობის სამმართველოს წარუდგენს; ამასთანავე, ისეთ სამუშაოს პროექტს, რაც 100.000 მან. არ აღემატება, დაამტკიცებს წყალთა-ტექნიკური თათბირი, ხოლო ის პროექტი, რაც 100.000 მან. აღემატება, დასამტკიცებლად ამიერკავკასიის წყალთა მეურნეობის სამმართველოს წარუდგინებას; აგრეთვე განიხილოს სხვა რესპუბლიკანური დაწესებულების ჰიდრო-მეტრულ ნაგებობათა ტექნიკური პროექტები;

ბ) განიხილოს წყალთა მეურნეობის მშენებლობის ტექნიკური საკითხები;

გ) ნება დართოს თავისუფალი წყლის გამოყვანა; ამასთანავე იმ მდინარიდან წყლის გამოყვანისათვის, რომლის ბასეინიც მილად ა/კსუსრ შედგენილობაში შემავალი სათანადო რესპუბლიკის საზღვრებშია, საბოლოოდ ნებას დართავს წყალთა-ტექნიკური თათბირი; სხვა შემთხვევაში საკითხი გადასაწყვეტად ა/კ. წყალთა მეურნეობის სამმართველოს წარუდგინება;

დ) განიხილოს ინსტრუქციები წყლის სარგებლობის შესახებ;

ე) განიხილოს რესპუბლიკანური წყალთა მეურნეობის სამმართველოს მიერ საწარმოებელ საკლევო მუშაობათა პროგრამები და ხარჯთაღრიცხვები, ტექნიკური პროექტების წარდგენისათვის ვადის დანიშვნით, და აგრეთვე განიხილოს რესპუბლიკანური წყალთა მეურნეობის სამმართველოს სამეცნიერო-საკლევო სამუშაოთა პროგრამები და ხარჯთაღრიცხვები;

ვ) განიხილოს და დაამტკიცოს ჰიდრო-ტექნიკურ ნაგებობათა კაპიტალური რემონტისა, გადაკეთებისა და დაშლის პროექტები; წყლის მოსარგებლეთა ხარჯით სარწყავთა ნაწილობრივი გადაკეთების პროექტები და არსებული სარწყავი ქსელისათვის წყლის გადასადგები არხების მოწყობის პროექტები, როდესაც ოლქის



გამგე შესაძლებლად ვერა სცნობს თითონ ნებადართოს მუშაობა ორს უკანასკნელს შემთხვევაში, საკითხის სტენნიკური სირთულისა ან სარწყავი ქსელის ახლო მომავალში მოსალოდნელი რეკონსტრუქციის გამო;

ზ) განიხილოს რესპუბლიკანური წყალთა მეურნეობის სამმართველოს მიერ წარმოებული მუშაობის საკითხები ამ მუშაობის ნორმალიზაციისა და სტანდარტიზაციის შესახებ, იმ ღონისძიებათა პროექტები, რასაც მიზნად აქვს მუშაობისა და წყლის სარგებლობის მომჭირნეობით წარმოება და ნაყოფიერების გადიდება—ექსპლოატაციის ამა თუ იმ რაციონალური ტენნიკური მეთოდის დამყარებით, მასალისა და მუშა-ხელის შესამკირებლად სათანადო ღონისძიების მიღებით, მუშაობაში მექანიზაციის შემოღებით და სხვ.;

თ) განიხილოს სარემონტო საშუალებათა დამზადების საკითხები, სარემონტო ქარხნებისა და სხვა დამხმარე საწარმოთა პროექტები და მათი მძწყობისა, გადაკეთებისა და გაფართოების პროექტები.

4. წყალთა-ტენნიკური თათბირის თავმჯდომარეს დანიშნავს ა/კსფსრ შედგენილობაში შემავალი სათანადო რესპუბლიკის სახალხო კომისართა საბჭო.

5. წყალთა-ტენნიკური თათბირის სხდომაზე, მისი პრეზიდიუმის მიწვევით, შეიძლება სათათბირო ხმის უფლებით მონაწილეობა მიიღონ სპეციალისტებმა და დაინტერესებულ დაწესებულებათა წარმომადგენლებმა მათი შესახები საკითხების გამო, აგრეთვე ცალკე სპეციალური საკითხებისათვის პერსონალურად მიწვეულმა პირებმა.

6. საქმეს თათბირში განსახილველად შეიტანს რესპუბლიკანური წყალთა მეურნეობის სამმართველოს უფროსი. თავმჯდომარე დანიშნავს მომხსენებელს წყალთა-ტენნიკური თათბირის წევრთაგან.

7. წყალთა-ტენნიკური თათბირის სხდომა კანონიერია, უკეთუ მას დაესწრო რესპუბლიკანურ ცენტრში მყოფ წევრთა ნახევარი რიცხვი.

8. საკითხი გადასწყდება სხდომაზე დამსწრე წევრთა ხმის მარტივი უმეტესობით.

9. წყალთა-ტენნიკური თათბირის გადაწყვეტილებანი დასამტკიცებლად რესპუბლიკანური წყალთა მეურნეობის სამმართველოს უფროს წარედგინება.

შენიშვნა. უკეთუ რესპუბლიკანური წყალთა მეურნეობის სამმართველოს უფროსი თანახმა არ არის წყალთა-ტენნიკური თათბირის გადაწყვეტილებისა ამა თუ იმ პროექტის გამო, მას შეუძლიან ეს პროექტი გადასცეს წყალთა-ტენნიკურ თათბირს ხელახალი განხილვისათვის.

10. ზედამხედველობა წყალთა-ტენნიკური თათბირის დადგენილებათა აღსრულებისათვის შეადგენს მისი თავმჯდომარის მოვალეობას.

11. წყალთა-ტენნიკური თათბირის საქმისწარმოება დაეკისრება რესპუბლიკანური წყალთა მეურნეობის სამმართველოს აპარატს.

12. წყალთა-ტენნიკური თათბირის სხდომებში მონაწილეობისათვის მისი წევრნი და განსაკუთრებულად მიწვეული პირნი მიიღებენ საეტონო გასამრჯელოს.

მომხსენების მომზადებისათვის და ცალკე საკითხების შემუშავებისათვის წყალთა-ტენნიკური თათბირის წევრნი და მიწვეული პირნი მიიღებენ განსაკუთ-

რებულ გასამრჯელოს. საეკონო გასამრჯელო განისაზღვრება იმ როდენობით, რაც ხარჯთაღრიცხვით არის გათვალისწინებული. მოხსენებების შედგენისათვის გასამრჯელოს განსაზღვრავს წყალთა-ტექნიკური საბჭოს თავმჯდომარე, რესპუბლიკანური წყალთა მეურნეობის სამმართველოს უფროსთან შეთანხმებით.

გამოქვეყნებულია „ზარია ვოსტოკა“-ს 1593 №-ში 1927 წ. ოქტომბრის 5-ს.

დადგენილება № 24 ა/კსფსრ ვაჭრობის სახალხო კომისარიატისა

(სამრეწველო და სასურსათო საქონლის სამმართველო)

1927 წ. სექტემბრის 29.

211. სატელეგრაფო და სატელეფონო ბოძების ფასის შემცირების შესახებ.

ამიერკავკასიის ცენტრალური აღმასრულებელი კომიტეტის მიერ ა/კსფსრ შინა-ვაჭრობის სახალხო კომისარიატის დროებითი დებულების შესახებ 1924 წ. ივნისის 26-ს თარიღით გამოცემული დადგენილების მე-3 მუხ. „გ“ პუნქტისა და სსრკ ვაჭრობის სახალხო კომისარიატის 1927 წ. იანვრის 31-ს თარიღის (ჟურნ. „Совет. Торг.“ 1927 წ. თებერვლის 15-ს თარიღისა და მე-9 №-ის დანართი) დადგენილების თანახმად—ა/კ. ვაჭრობის სახალხო კომისარიატი ადგენს:

1. რესპუბლიკანური ტყის ტრესტების: საქართველოს სსრ სახალხო მეურნეობის უმაღლესი საბჭოს საქართველოს სატყეო სამრეწველო ტრესტისა, აზერბაიჯანის სსრ სახალხო მეურნეობის უმაღლესი საბჭოს აზერბაიჯანის სატყეო ტრესტისა და სომხეთის სსრ სატყეო ტრესტის საპრეისკურანტო საგასაცემო ფასები სატელეგრაფო და სატელეფონო ბოძებზე შემცირებულ იქნეს 10 პროცენტით იმ ფასებთან შედარებით, რაც 1927 წ. იანვრის 19-თვის არსებობდა.

2. აღნიშნული შემცირება გავრცელებულ იქნეს ამა დადგენილების გამოცემამდე დადებულ ყველა ხელშეკრულების იმ ნაწილზე, რაც ამა დადგენილების გამოქვეყნების დღისთვის ჩაუბარებელ პროდუქციას შეეხება.

3. ა/კსფსრ ვაჭრობის სახალხო კომისარიატის რწმუნებულმა ა/კსფსრ შედგენილობაში შემავალ სათანადო რესპუბლიკაში თვალყური უნდა ადევნოს ამა დადგენილების სისწორით შესრულებას.

4. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

5. დადგენილება ესე ძალაში შედის დღიდან მისი გამოქვეყნებისა.

ა/კსფსრ ვაჭრობის სახალხო კომისარი ბეკადაიანი.

სამრეწველო და სასურ. სამმ. უფროსი ნოვიკოვი.

საქმეთა მმართველი ვნატიუკი.

გამოქვეყნებულია „ზარია ვოსტოკა“-ს 1593 №-ში 1927 წ. ოქტომბრის 5-ს.



დადგენილება № 71 სსსფსრ შრომის სახალხო კომისარიატისა

1927 წ. ოქტომბრის 10.

212. სოფლად წერილების დამტარებელთა და ფოსტის აგენტთა შრომის პირობების დებულების დამტკიცების შესახებ.

ა/კ. შრომის სახალხო კომისარიატი ადგენს:

შემოღებულ იქნეს სამოქმედოდ ა/კსფსრ ტერიტორიაზე სსრკ შრომის სახალხო კომისარიატის 1927 წ. აგვისტოს 29-ს თარიღისა და 245 №-რის დადგენილება „სოფლად წერილების დამტარებელთა და ფოსტის აგენტთა შრომის პირობების დებულების დამტკიცების შესახებ“.

ა/კსფსრ შრომის სახალხო კომისარი იაშვილი.

საერთო-საორგანიზ. განყოფ. გამგე ა. მელნიკოვი.

შეთანხმებულია: ა/კ. პროფკ. საბუკო იაკუბოვი.

გამოქვეყნებულია „ზარია ვოსტოკა“-ს 1599 №-ში 1927 წ. ოქტომბრის 12-ს.

დადგენილება № 182 სს. შრომის სახალხო კომისარიატისა

1927 წ. ოქტომბრის 10.

213. სამსახურის ერთი ადგილიდან მეორე ადგილას გადაყვანის გამო საცხოვრებელი ადგილის გამოცვლით გამოწვეული ხარჯის ანაზღაურების შესახებ.

შერკავკასიის ცენტრალური აღმასრულებელი კომიტეტის მიერ—შრომის კომისარიატის კოდექსის 82 მუხ. შეცვლის შესახებ 1927 წ. ივნისის 3-ს თარიღით გამოცემულ დადგენილებასთან დაკავშირებით—ა/კ. შრომის სახალხო კომისარიატი ადგენს:

ძალდაკარგულად ჩაითვალოს ა/კ. შრომის სახალხო კომისარიატის 1923 წლის მაისის 25-ს თარიღისა და 56 №-რის დადგენილება „სამსახურის ერთი ადგილიდან მეორე ადგილას გადაყვანის გამო საცხოვრებელი ადგილის გამოცვლით გამოწვეული ხარჯის ანაზღაურების შესახებ“.

ა/კსფსრ შრომის სახალხო კომისარის მოადგილე ბანოვიჩი.

ა/კ. შრ. სახ. კ ტის საერთო-საორგ. განყოფ. გამგე მელნიკოვი.

გამოქვეყნებულია „ზარია ვოსტოკა“-ს 1599 №-ში 1927 წ. ოქტომბრის 12-ს.

